

23 նոյեմբերի, 2022թ.

ք. Երևան

Հայաստանի Հանրապետության բարձր տեխնոլոգիական արդյունաբերության նախարարությունը, ի դեմս նախարարության գլխավոր քարտուղար Նարեկ Մելքումյանի (այսուհետ՝ նախարարություն), որը գործում է նախարարության կանոնադրության հիման վրա, մի կողմից, և «Իմմենսուս» սահմանափակ պատասխանատվությամբ ընկերությունը, ի դեմս տնօրեն Դավիթ Հարությունյանի (այսուհետ՝ կազմակերպություն), որը գործում է կազմակերպության կանոնադրության հիման վրա, մյուս կողմից (այսուհետ՝ միասին՝ կողմեր), հիմք ընդունելով Հայաստանի Հանրապետության բարձր տեխնոլոգիական արդյունաբերության նախարարի 2022 թվականի փետրվարի 1-ի «11009 Ձեռներեցության տեխնոլոգիական էկոհամակարգ» միջոցառման ծրագիրը և ծրագրի 2022 թվականի ֆինանսական միջոցների բաշխվածությունը հաստատելու մասին» N 95-Ա հրամանը (այսուհետ՝ հրաման), «Իմմենսուս AI ֆիլենսի և սպորտի հավելված» ծրագրի (այսուհետ՝ ծրագիր) իրականացումն ապահովելու նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

1. Պայմանագրի առարկան և գինը

1.1. Սույն պայմանագրով նախարարությունը պարտավորվում է ծրագրի իրականացման նպատակով պայմանագրի 5-րդ կետով սահմանված կարգով կազմակերպությանը հատկացնել հրամանով նախատեսված գումարից՝ 10,000,000 (տասը միլիոն) ՀՀ դրամ (ներառյալ հարկերը), իսկ կազմակերպությունը պարտավորվում է ծրագիրն իրականացնել հրամանով և սույն պայմանագրով սահմանված կարգով:

1.2. Ծրագրով նախատեսված՝ կազմակերպության կողմից իրականացվելիք միջոցառումները (այսուհետ՝ միջոցառումներ) ներկայացված են սույն պայմանագրի հավելված 1-ում:

2. Կողմերի իրավունքները և պարտավորությունները

2.1 Նախարարությունն իրավունք ունի՝

2.1.1 ցանկացած ժամանակ ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը.

2.1.2 ծրագրով և սույն պայմանագրով սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն պայմանագրի 6.2 կետով նախատեսված տուգանքը.

2.1.3 առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. Կազմակերպությունը ժամանակին չի սկսում ծրագրի իրականացումը, կամ ծրագրի իրականացման ժամանակ ակնհայտ է դառնում, որ այն պատշաճ՝ պայմանագրով սահմանված կարգով և ժամկետներում չի իրականացվելու,

բ. Կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (միջոցառումների իրականացման ժամկետներ նախատեսված լինելու դեպքում),

գ. Իրականացված միջոցառումները չեն համապատասխանում ծրագրով և սույն պայմանագրով սահմանված պահանջներին.

2.1.4 սույն պայմանագիրը ՀՀ օրենսդրությամբ կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

2.2 Կազմակերպությունն իրավունք ունի՝

2.2.1 իրականացված միջոցառման արդյունքը նախարարության կողմից ընդունվելու դեպքում պահանջելու վճարել իրեն հասանելիք գումարը՝ պայմանագրի 5-րդ կետում սահմանված կարգով և ժամկետներում.

2.2.2 նախարարության կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները:

2.3 Նախարարությունը պարտավոր է՝

2.3.1 ծրագրով նախատեսված դեպքերում աջակցել կազմակերպությանը.

2.3.2 կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ.

2.3.3 իրականացնել ծրագրով նախատեսված այլ աշխատանքներ.

2.3.4 իրականացված միջոցառման մասին ներկայացված կատարողական հաշվետվությունների վերաբերյալ համապատասխան որոշում ընդունել պայմանագրի 4.2 կետում նշված ժամկետում: Եթե ներկայացված հաշվետվությունների համաձայն իրականացված միջոցառումը համապատասխանում է ծրագրի և սույն պայմանագրի պահանջներին, ապա դրանք ընդունվում են:

2.4 Կազմակերպությունը պարտավոր է՝

2.4.1 իրականացնել ծրագրի շրջանակներում նախարարության կողմից տրամադրված գումարների՝ Հայաստանի Հանրապետության հաշվապահական հաշվառման N 20 ստանդարտի դրույթներին համապատասխան և առանձնացված հաշվառում.

2.4.2 պայմանագրով նախատեսված ֆինանսական միջոցներն օգտագործել ծրագրով և (կամ) սույն պայմանագրով սահմանված նպատակներով ու չափաքանակներով.

2.4.3 կատարել նախարարության կողմից բացահայտված թերությունների վերացման նպատակով տրված ցուցումները.

2.4.4 սույն պայմանագրով սահմանված կարգով նախարարություն ներկայացնել միջոցառումների իրականացման մասին հաշվետվություններ, իսկ ծրագրի ավարտից հետո՝ ամփոփ հաշվետվություն.

2.4.5 սույն պայմանագրի գործողության ընթացքում ապահովել ծրագրի իրականացմանը վերաբերող փաստաթղթերին ծանոթանալու նախարարության հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում.

2.4.6 նախարարության կողմից առանձին միջոցառումների իրականացման մասին հաշվետվությունները չընդունվելու դեպքում կազմակերպությունը պարտավորվում է անվճար՝ նախարարության կողմից սահմանված ողջամիտ ժամկետում վերացնել արձանագրված անհամապատասխանությունները.

2.4.7 ծրագրի իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով՝ պետության կարիքների համար կատարվող գնումների կանոններին համապատասխան:

2.4.8 Պայմանագրով սահմանված միջոցառումների տարեկան արդյունքները թերակատարելու դեպքում, դրա արդյունքում առաջացած գումարները վերադարձնել ՀՀ պետական բյուջե՝ մինչև տվյալ բյուջետային տարվա նախավերջին աշխատանքային օրը:

2.4.9 Դրամաշնորհի շրջանակներում ստացված դրամական միջոցները բաշխել առանձնացված բանկային հաշվի (հաշվեհամարի) միջոցով:

2.4.10 Ապահովել պատշաճ մասնակցություն նախարարության կողմից «Գաղափարի փուլում գտնվող պրոդուկտների համար» դրամաշնորհային մրցույթի հաղթող ընտրությունների համար նախատեսված ինկուբացիոն բնույթի կրթական դասընթացներին:

3. Մոնիթորինգը

3.1. Նախարարությունը ծրագրի իրականացման նախնական, ընթացիկ և վերջնական արդյունքների համապատասխանության գնահատման նպատակով իրականացնում է մոնիթորինգ:

3.2. Մոնիթորինգն իրականացվում է նախարարության և (կամ) նրա կողմից լիազորված անձի կողմից:

3.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

3.4. Նախարարությունը ցանկացած ժամանակ կարող է ծրագրի շրջանակներում իրականացնել մոնիթորինգ՝ ուսումնասիրելով ծրագրին առնչվող ցանկացած փաստաթղթեր և նյութեր:

3.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

4. Պայմանագրի արդյունքի հանձնման և ընդունման կարգը

4.1. Պայմանագրի արդյունքն ընդունվում է նախարարության և կազմակերպության միջև հանձնման-ընդունման ակտի ստորագրմամբ:

Մինչև պայմանագրով ստանձնված պարտավորությունների կատարման համար նախատեսված օրը ներառյալ կազմակերպությունը armeps էլեկտրոնային համակարգի միջոցով (գործողության իրականացման

ձեռնարկը տեղադրված է www.minfin.am հասցեով գործող կայքի «Դրամաշնորհներ» բաժնի «Ուղեցույցներ, ձեռնարկներ» ենթաբաժնում) նախարարությանն է տրամադրում իր կողմից ստորագրված հանձնման-ընդունման ակտը (հավելված 4) և հաշվետվությունը: Ընդ որում, կազմակերպությունը հանձնման-ընդունման ակտը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին:

4.2. Եթե իրականացված միջոցառումը համապատասխանում է պայմանագրի պայմաններին, նախարարությունը պայմանագրի 4.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 10 (տասը) աշխատանքային օրվա ընթացքում ստորագրում և armeps էլեկտրոնային համակարգի միջոցով կազմակերպությանն է տրամադրում իր կողմից ստորագրված հանձնման-ընդունման ակտը:

4.3. Եթե իրականացված միջոցառումը կամ դրա մի մասը չի համապատասխանում պայմանագրի պայմաններին, ապա նախարարությունը չի ստորագրում հանձնման-ընդունման ակտը և պայմանագրի 4.2 կետում նշված ժամկետում armeps էլեկտրոնային համակարգի միջոցով կազմակերպությանը հետ է վերադարձնում հանձնման-ընդունման ակտը՝ նշելով դրա չստորագրման համար հիմք հանդիսացած անհամապատասխանությունը: Սույն կետի կիրառման դեպքում նախարարությունը ձեռնարկում է նման իրավիճակի համար պայմանագրով նախատեսված միջոցները և կազմակերպության նկատմամբ կիրառում է պայմանագրով նախատեսված պատասխանատվության միջոցներ:

4.4. Եթե պայմանագրի 4.2 կետով սահմանված ժամկետում նախարարությունը չի ընդունում պայմանագրի 4.1 կետում նշված փաստաթղթերը կամ չի մերժում դրա ընդունումը, ապա իրականացված միջոցառումը համարվում է ընդունված և պայմանագրի 4.2 կետով սահմանված վերջնաժամկետին հաջորդող աշխատանքային օրը նախարարությունը armeps էլեկտրոնային համակարգի միջոցով կազմակերպությանն է տրամադրում իր կողմից ստորագրված հանձնման-ընդունման ակտը:

5. Վճարման կարգը և ժամկետները

5.1. Նախարարությունը սույն պայմանագրի 1.1 կետում նշված գումարի 75 (յոթանասունհինգ) տոկոսը՝ 7,500,000 (յոթ միլիոն հինգ հարյուր հազար) ՀՀ դրամը պայմանագիրն ուժի մեջ մտնելուց հետո 10 աշխատանքային օրվա ընթացքում փոխանցում է կազմակերպության բանկային հաշվին՝ որպես կանխավճար: Կանխավճարի մարումն իրականացվում է հանձնման-ընդունման ակտերի հիման վրա կատարվող վճարումներից նվազեցումներ (պահումներ) կատարելու ձևով:

5.2. Կազմակերպությանը մնացած վճարումները կատարվում են սույն պայմանագրով սահմանված ամփոփիչ հաշվետվություններն ընդունելուց, նախարարության և կազմակերպության միջև պայմանագրի արդյունքն ընդունելու վերաբերյալ հանձնման-ընդունման ակտը ստորագրելուց հետո 10 աշխատանքային օրվա ընթացքում: Եթե պայմանագրի արդյունքն ընդունելու վերաբերյալ հանձնման-ընդունման ակտը ստորագրվում է՝ տվյալ ամսվա 20-ից հետո և այդ ամսում վճարման ժամանակացույցով նախատեսված են ֆինանսական միջոցներ, ապա վճարումն իրականացվում է մինչև 30 աշխատանքային օրվա ընթացքում, բայց ոչ ուշ, քան մինչև 2023 թվականի դեկտեմբերի 25-ը:

6. Կողմերի պատասխանատվությունը

6.1. Կազմակերպությունը պատասխանատվություն է կրում սույն պայմանագրով ստանձնած պարտավորությունների չկատարման կամ ոչ պատշաճ կատարման համար:

6.2. Պայմանագրի հավելված 1-ում նշված ծրագրին չհամապատասխանող պարտավորություն իրականացնելու յուրաքանչյուր դեպքում կազմակերպությունից գանձվում է տուգանք՝ պայմանագրի 1.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով: Ընդ որում՝ տուգանքը հաշվարկվում է նաև պայմանագիրը սահմանված ժամկետներում կատարելու, սակայն նախարարության կողմից չընդունվելու, ինչպես նաև հաշվետվությունները պայմանագրով սահմանված ժամկետներում չներկայացնելու դեպքերում:

6.3. Պայմանագրով նախատեսված ծրագրի կատարման ժամկետը խախտելու դեպքում կազմակերպությունից յուրաքանչյուր ուշացված աշխատանքային օրվա համար գանձվում է տույժ՝ պայմանագրի 1.1 կետում նախատեսված գումարի 0,05 (զրո ամբողջ հինգ հարյուրերորդական) տոկոսի չափով:

6.4. Պայմանագրի 6.2 և 6.3 կետերով նախատեսված տուգանքը և տույժը հաշվարկվում և հաշվանցվում են միջոցառման իրականացման արդյունքում կազմակերպությանը վճարման ենթակա գումարների հետ: Տույժը հաշվարկվում է աշխատանքային օրերով՝ պայմանագրի չկատարված մասի գնի նկատմամբ:

6.5. Նախարարության կողմից պայմանագրի 4.1 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

6.6. Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

6.7. Տույժի և (կամ) տուգանքի վճարումը կողմերին չի ազատում իրենց պայմանագրային պարտավորությունները լրիվ կատարելուց:

7. Պայմանագրի գործողության ժամկետը

7.1. Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի ստանձնած պարտավորությունների՝ ամբողջ ծավալով կատարումը: Պայմանագրով նախատեսված կողմերի իրավունքների և պարտականությունների կատարման պայման է հանդիսանում պայմանագիրը ՀՀ ֆինանսների նախարարության կողմից հաշվառված լինելու հանգամանքը:

8. Անհաղթահարելի ուժի ազդեցությունը (ՖՈՐՍ-ՄԱԺՈՐ)

8.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, Նախարարությունների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

9. Եզրափակիչ դրույթներ

9.1. ՀՀ օրենսդրությամբ սահմանված կարգով հաստատված դրամաշնորհային ծրագիրը հանդիսանում է սույն պայմանագրի անբաժանելի մասը (հավելված 5):

9.2. այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ մրցույթի գործընթացում, մինչև պայմանագրի կնքումը, պայմանագրի կողմը ներկայացրել է կեղծ փաստաթղթեր (տեղեկություններ և տվյալներ), կամ վերջինիս հաղթող կազմակերպություն ճանաչելու մասին որոշումը չի համապատասխանում սույն կարգի պահանջներին, ապա այդ հիմքերն ի հայտ գալուց հետո նախարարությունը միակողմանիորեն լուծում է պայմանագիրը, եթե արձանագրված խախտումները, մինչև պայմանագրի կնքումը հայտնի լինելու դեպքում, Հայաստանի Հանրապետության օրենսդրության համաձայն, հիմք կհանդիսանային պայմանագիրը չկնքելու համար: Ընդ որում՝ նախարարությունը չի կրում պայմանագրի միակողմանի լուծման հետևանքով պայմանագրի կողմի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով նախարարության կրած վնասներն այն ծավալով, որի մասով պայմանագիրը լուծվել է:

9.3. Եթե պայմանագիրն իրականացվում է համատեղ գործունեության (կոնսորցիումի) պայմանագիր կնքելու միջոցով, ապա այդ պայմանագրի մասնակիցները կրում են համատեղ և համապարտ պատասխանատվություն: Ընդ որում, կոնսորցիումի անդամի կոնսորցիումից դուրս գալու դեպքում պայմանագիրը միակողմանիորեն լուծվում է և կոնսորցիումի անդամների նկատմամբ կիրառվում են պայմանագրով նախատեսված պատասխանատվության միջոցները:

9.4. կազմակերպության կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը նախարարությունը հրապարակում է իր պաշտոնական՝ www.hti.am կայքում՝ նշելով հրապարակման ամսաթիվը:

Կազմակերպությունը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը սույն կետով սահմանված հրապարակվելուն հաջորդող օրվանից: Պայմանագիրը միակողմանի

լուծելու մասին ծանուցումը սույն կետում նշված կայքում հրապարակվելու օրը նախարարության կողմից ուղարկվում է նաև կազմակերպության էլեկտրոնային փոստին:

9.5. Պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

9.6. Պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

9.7. Պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

10. Կողմերի հասցեները, բանկային վավերապայմանները և ստորագրությունները

ՆԱԽԱՐԱՐՈՒԹՅՈՒՆ

«Հ բարձր տեխնոլոգիական
արդյունաբերության նախարարություն
ք. Երևան, Վազգեն Սարգսյան 3/3, 0010
ՖՆ գործառնական վարչություն
Հ/Հ 900011039444
ՀՎՀՀ 02565518

Գլխավոր քարտուղար՝ Նարեկ Մելքոնյան

ԿԱԶՄԱԿԵՐՊՈՒԹՅՈՒՆ

«Իմմենսուս» ՍՊԸ

ք. Երևան, Երվանդ Քոչար, 2. 3/ 3, 0070
«Ամերիաբանկ» ՓԲԸ
Հ/Հ 1570073839770200
ՀՎՀՀ 02830304

Տնօրեն՝ Դավիթ Հարությունյան



Մ Ի Զ Ո Ց Ա Ռ Ո Ւ Մ Ն Ե Ր


N	Դրամաշնորհի միջոցների հաշվին իրականացվող միջոցառման						
Փուլի անվանում	Փուլի նկարագիր	Կազմակերպության կողմից կատարման ենթակա գործողություններ	Ակնկալվող արդյունքներ և դրանց գնահատման չափանիշներ	Միջոցառման իրականացման վերջնաժամկետ	Հաշվետվության ներկայացման ժամկետ (միջոցառման իրականացման վերջնաժամկետից հետո՝ 10 աշխատանքային օրվա ընթացքում)	Պահանջվող գումար (<< դրամ)	
Բոքսի առաջին լիարժեք հավելվածի կառուցում	<p>1. Դիրքի գնահատման (pose estimation) մոդելի կառուցում</p> <p>2. UI/UX դիզայնի քննարկումներ</p> <p>4. App Store- ի օպտիմիզացում</p> <p>5. Մարքեթինգային ծառայություններ</p> <p>6. Ֆիթնեսի վարժությունների վերլուծության բազայի ստեղծում հավելվածում ինտեգրելու համար</p>	<p>1. Դիրքի գնահատման (pose estimation) մոդելի կառուցումը թույլ կտա բազմաթիվ նոր ֆունկցիոնալություններ և նոր վարժություններ ներդնել հավելվածում և օգտատերերի փորձը հավելվածում դարձնել ավելի լիարժեք</p> <p>2. UI/UX դիզայնի քննարկումները միտված են լինելու հավելվածը օգտատերերի համար ավելի գրավիչ և օգտակար լինելու, հավելվածի ներքին դիզայնի էսպես բարելավմանը</p> <p>3. App Store- ի օպտիմիզացումը թույլ կտա ունենալ</p>	<p>1. Ունենալ վերջնական բոքսի հավելված, որը օգտատերերին կառաջարկի լիարժեք մարզումների հնարավորություն և կապահովի օգտատերերի ներհոսք և կնվազեցնի նրանց արտահոսքը (churn rate)</p> <p>2. App Store օպտիմիզացման և մարքեթինգի շնորհիվ ունենալ ավելի բարձր դիրք բոքսի հավելվածներ փնտրելիս հավելվածների խանութում (app store)</p> <p>3. Առնվազն կրկնապատկել օգտատերերի քանակը:</p>	27.04.2023	11.05.2023	7,500,000	

		ավելի բարձր դիրք բոքսի հավելվածներ փնտրելիս հավելվածների խանութում (app store)					
		4. Մարքեթինգային ծառայություններ					
		5. Ֆիթնեսի վարժությունների վերլուծության բազայի ստեղծում հավելվածում ինտեգրելու համար					
2	Հավելվածիկ առարելագործում	Ինտեգրել ֆիթնեսի տարրեր, օպտիմիզացնել ծրագիրը նոր ֆունկցիոնալության համապատասխան	1. Հավելվածի զարգացում, Ֆիթնես տարրերի ներդրում 2. UI/UX դիզայնեակական ծառայություններ 3. Մարքեթինգային ծառայություններ 4. App Store- ի օպտիմիզացում	Ֆիթնես վարժությունների ներդրման արդյունքում ունենալ ավելի համապարփակ հավելված, որը օգտատերերին թույլ կտա մարզվել ոչ միայն բոքսի հմտությունների, այլ նաև մկանների զարգացման և այլ նպատակների համար:	05.06.2023	19.06.2023	2,500,000
Ընդամենը						10,000,000	

ՆԱԽԱՐԱՐՈՒԹՅՈՒՆ

ՀՀ բարձր տեխնոլոգիական արդյունաբերության նախարարություն
 ք. Երևան, Վազգեն Սարգսյան 3/3, 0010
 ՖՆ գործառնական վարչություն
 Հ/Հ 900011039444
 ՀՎՀՀ 02565518

Գլխավոր քարտուղար՝ Նարեկ Մելքոնյան



ԿԱԶՄԱԿԵՐՊՈՒԹՅՈՒՆ

«Իմմենսուս» ՍՊԸ

ք. Երևան, Երվանդ Քոչար, 2. 3/ 3, 0070
 «Ամերիաբանկ» ՓԲԸ
 Հ/Հ 1570073839770200
 ՀՎՀՀ 02830304

Տնօրեն՝ Գալինա Հարությունյան



Դրամաշնորհային հաշվետվություն N _____
1. Ընդհանուր տեղեկատվություն

Ծրագրի անվանում	
Դրամաշնորհի N	
Դրամաշնորհատու կազմակերպություն	
Դրամաշնորհառու կազմակերպություն	
Ծրագրի իրականացման ժամանակահատված	
Հաշվետու ժամանակահատված	
Ներկայացման օր	
Հաշվետվության պատասխանատու (անուն, ազգանուն, պաշտոն)	

2. Բովանդակային հաշվետվություն

2.1 Թվարկել աշխատանքային պլանով և պայմանագրի Հավելված 1-ով սահմանված միջոցառումների (այսուհետ՝ միջոցառում) շրջանակում կատարման ենթակա գործողությունները հաշվետու ժամանակահատվածի համար:

2.2 Նկարագրել ծրագրի առաջընթացն՝ ըստ սահմանված աշխատանքային պլանի (Գանտի աղյուսակ) և միջոցառումների, նշելով՝ Ձեր կողմից իրականացված գործողությունները և ստացված արդյունքները հաշվետու ժամանակահատվածի համար: Որքանով են նշված գործողությունները նպաստել տվյալ ծրագրի խնդիրների/նպատակի իրականացմանը:

2.3 Նշել հաշվետու ժամանակահատվածում մշակված նյութերի համացանցում տեղադրված հղումները՝ առկայության դեպքում (օրենսդրական առաջարկություններ, համառոտագրեր, հաշվետվություններ, մեդիա պրոդուկտներ և այլն):

2.4 Ներկայացնել հաշվետու ժամանակահատվածում ծագած խնդիրները, որոնք խոչընդոտել են ծրագրի գործողությունների իրականացմանը:

2.5 Թվարկել հաջորդ հաշվետու ժամանակահատվածի համար նախատեսված գործողությունները:

2.6 Նշել, Ձեր կողմից իրականացված այն գործողությունները, որոնք նախատեսված չեն եղել ծրագրի աշխատանքային պլանով, բայց իրականացվել են ծրագրի նպատակին հասնելու համար:

ՎՃԱՐՄԱՆ ԺԱՄԱՆԱԿԱՑՈՒՅՑ

«Ղրամ»

		Միջոցառման													
հրավեր ով նախատեսված չափաբաժնի համարը	Մրցույթի պլանով նախատեսված (CPV) կոդը	անվանումը	Կատարման դիմաց վճարումները նախատեսվում է իրականացնել 2022թ-ին՝ ըստ ամիսների, այդ թվում												
	99999999	Դրամաշնորհային ծրագիր	հունվար	փետրվար	մարտ	ապրիլ	մայիս	հունիս	հուլիս	օգոստոս	սեպտեմբեր	հոկտեմբեր	նոյեմբեր	դեկտեմբեր	Ընդամենը
													7,500,000	7,500,000	7,500,000

ՆԱԽԱՐԱՐՈՒԹՅՈՒՆ

«Ղրամ» տեխնոլոգիական արդյունաբերության նախարարություն
ք. Երևան, Վազգեն Սարգսյան 3/3, 0010
ՖՆ գործառնական վարչություն
Հ/Հ 900011039444
ՀՎՀՀ 02565518
Գլխավոր քարտուղար՝ Նարեկ Մելքոնյան

ԿԱԶՄԱԿԵՐՊՈՒԹՅՈՒՆ

«Իմենսուս» ՍՊԸ
ք. Երևան, Երվանդ Քոչար, 2. 3/ 3, 0070
«Ամերիաբանկ» ՓԲԸ
Հ/Հ 1570073839770200
ՀՎՀՀ 02830304
Տնօրեն՝ Ռաֆիկ Հարությունյան




ԴՐԱՄԱՇՆՈՐՀԱՅԻՆ ԾՐԱԳԻՐ

Իմնենսուը արհեստական բանականության վրա հիմնված առաջատար ֆիթնես ծրագիր է, որը թույլ է տալիս մարզիկներին և առողջ ապրելակերպի հետևորդներին մարզվելիս ստանալ առաջարկություններ մարզումները ճշգրիտ և արդյունավետ անելու համար: Այս պահին ստեղծել ենք հավելվածի առաջին տարբերակը՝ ուղղված բոքսի հարվածների ճշգրիտ կատարմանը: Ծրագրի հիմքում ընկած է այդ ոլորտում իր տեսակով եզակի տեխնոլոգիան՝ իրական ժամանակում շարժման հայտնաբերումը և սխալների վերլուծությունը: Բացի այդ, օգտատերերի նպատակներից կախված, դժվարության աստիճանից, շարժումների հաճախությունից և սխալների աստիճանից ելնելով՝ օգտվողները հնարավորություն կունենան ստանալու անհատական ուսուցման ծրագրեր: Մարզման շարժումների, սպորտային գործողությունների հայտնաբերումը, որը հիմնված է կոնվոլյուցիոն նեյրոնային ցանցերի վրա, մեր կողմից կիրառվող կարևոր առանձնահատկություններից է: Սակայն, հավելվածի հիմնական գաղափարը շատ ավելի հեռու է, քան շարժման պարզ ուղղումը և խորհուրդներ տալը: Հավելվածի հիմնական գաղափարը ստեղծել մի այնպիսի օնլայն միջավայր, որտեղ անդամները կկիսվեն իրենց ձեռքբերումներով Իմնենսուի հավելվածի շրջանակներում: Օգտագործողները կարող են մրցակցել այլ անդամների հետ, հաջողության հասնել և ճանաչում ստանալ: Մեր առաքելությունն է զգալիորեն բարելավել առողջ ապրելակերպի հետևորդների և մարզիկների հմտություններն ու նվաճումները, նրանց հնարավորություն տալ արդյունավետորեն սովորել նոր ուսումնական շարժումներ և տեխնիկա՝ օգտագործելով պարզապես իրենց սմարթֆոնները: Այն թույլ կտա օգտվողներին ստեղծել նոր մարտահրավերներ սպորտում և մարզավիճակ, կիսվել և այդպիսով, ճանաչում ստանալ: Ընդ որում, խոսքը գնում է ոչ միայն ֆիթնես ուղղությանը, այլ տարբեր սպորտաձևերի, մասնավորապես կապված մարտարվեստի հետ: Իմնենսուի մյուս շատ կարևոր ասպեկտը խորը ուսուցման (deep learning) տեխնոլոգիան է, որը մենք կառուցում ենք: Մեր ամենակարևոր ձեռքբերումը մեր հետազոտությունն ու զարգացումն (R&D) է, որը դուրս է գալիս պարզ B2C բիզնես մոդելից: AI խողովակաշարերը, որոնք մենք կառուցում ենք, թույլ են տալիս մեզ համագործակցել արդեն իսկ կայացած ֆիթնես հավելվածների հետ և ինտեգրել մեր ծրագիրը դրանց հավելվածներում կամ սարքերում:

ՆԱԽԱՐԱՐՈՒԹՅՈՒՆ

ՀՀ բարձր տեխնոլոգիական
արդյունաբերության նախարարություն
ք. Երևան, Վազգեն Սարգսյան 3/3, 0010
ՖՆ գործառնական վարչություն
Հ/Կ 900011039444
ՀՎՀՀ 02565518
Գլխավոր քարտուղար՝ Նարեկ Մելքոնյան



ԿԱԶՄԱԿԵՐՊՈՒԹՅՈՒՆ

«Իմնենսու» ՍՊԸ
ք. Երևան, Երվանդ Քոչար, 2. 3/ 3, 0070
«Ամերիաբանկ» ՓԲԸ
Հ/Կ 1570073839770200
Հ/Կ 02830304
Տնօրեն՝ Դավիթ Հարությունյան

